

SEIZ DEPERT?

by Manni M.

16-tel Beat e-moll/E-Dur Tmp = 142

I bin a festa Schöpfa und i hackl Tog und Nocht
oba mit Fleiß und Orbeit hot´s noch kana zu Reichtum gebrocht.
Auf jeden Monatserst´n - krieg i a murds Depression
da Herr Finanzminister frisst mir fost die Hölfte von mein Lohn!

**Seiz ihr olle deppert - komplett narrisch wor´n?
Ihr greifts in mein Göldsock – völlig unvafror´n!
Jo hobts ihr jetzt an Vogl – an Riss in da Marülln?
nanana, i wer do nit fia eich - ´n Göldscheißer spüln!**

Die anzige, de sich heite noch wos leist´n kann
dos is mei gschiedene Frau, de lebt schon länger mit an ondan Monn zomm´
und pünktlich jeden Monat, wird gnadenlos bei mir kassiert
und doss sie mi betrogn hot, hot vor Gericht kein Schwein interessiert!

Seiz ihr olle deppert - ...

Dreizehn Stund am Bau, jetz brauch i g´schwind mei Packl Tschick
am Hamweg park i schnöll mei Auto vur ana Trafik.
De Tschick san wieda teurer worn, es is jo wohl zun Speibn
und wie i zruck zu mein Auto kum pickt a Strofmandat vurn auf da Scheibn

Seiz ihr olle deppert - ...

**(Sa-sa-sa) Seiz ihr olle deppert - komplett hin in da Birn?
Jo hobts ihr jetzt an Vogl – an Schodn im Hirn?
Seiz ihr olle deppert – maximal deppert ?!
Ihr seiz deppert! – (deppert!) - Komplett deppert! – (deppert!)
Seiz deppert?**

MM Okt. 2007